

Despues di 4 funcion totalmente yen **Vale Croes emociona y gradicido pa sosten na 'Bahando cu Pensioen'**

REBIBA p'e energia cu apoyo di pueblo di Aruba ta dune, Vale Croes kier a gradici publicamente tur esnan cu a haci di su ultimo show 'Bahando cu Penshon' un exito, cuminsando cu e publico mes. Ta riba peticion popular, e comico mas grandi di Aruba, den tur sentido di palabra, ta complace cu ripiticion di show e fin di siman.

Pa cuater anochi, pueblo di Aruba a yena e sala di Renaissance Convention Center pa mira e comico local y su perspectiva di e etapa aki di bida mientras e ta preparando pa pasa e trono di comicidad pa pupilo y amigo, e talentoso Gerardo 'Bashaca' Janga. Naturalmente un produccion asina no lo tabata posibel sin cu Vale a haya e ayudo y apoyo di un varios instancia y persona pa cual e kier yama nan danki mas sincero di su curazon. Cuminsando cu e ehecutivonan di Renaissance Convention Center, esta Magaly, SueAnn y Edrienne como tambe e personal di waiter, bar-

tender, coki y caheronan. "Boso tur ta masters," Vale a expresa. Un ayudo hopi importante a bin di parti di Authentic Solutions and Productions dirigi pa Jason Margarita y Julisa 'Jullie Jullie' Rodulfo na "kendenan mi ta entrega mi amor completo... love you guys."

Medionan di comunicacion tambe a sostene Vale den e proyecto aki y pesey kier a gradici Erin Croes y Ruben Scorpio Garcia di Magic 96.5, Mama Frida, Ivo Yanez y Leoncita Arends di Canal 90, Melvin Garcia y directiva di Blizz 101.7, Lyonel Dirksz y Jerino Ridderstap di Top 95, corantnan Diario, Bon Dia Aruba, Solo di Pueblo, AWEMainta, Show y Mas como tambe e programanan di TV 'Papia Cla' di Tito Lacle y Joke E Ta! di TeleAruba. N'e personal di Valero Palm Beach, Gallo Rojo, Manuelitos Sports Bar, CD & More y Welcome Snack pa nan asistencia. Un palabra di extra gradicimento ta bay p'e Reina di mi show,

Elizabeth Guanipa, e motor incansabel tras di e show pa su trabou den mercadeo y promocion y e promotor incansabel Alberto Goncalves Pita, mi yerno.

Tambe Vale kier gradici Arupro Detergentes, Andres Hernandez, Nelson Molina y Citronella, hasta cu cos malo e ta core!

Finalmente, pero sigur no menos importante Vale ta gradici enormemente su elenco. Manera e mes di "e miho di e mundo

aki!" Ta trata di Fatme Faarup, Jeanira Wernet, Maurice Maduro, Gerardo "Bashaca" Janga, Desmond Croes, como tambe Vale su yiunan Jowi, Vale Chikito, cu di chikito e no tin nada, Tessa y Lourdes su casa y e rason di su bida, e 'master brain' tras di e shownan. "Mi ta adora bo Mom" Vale a bisa. Por ultimo "Danki, danki, danki di curason. Mi no ta muri nunca paso boso tin mi curason!"

